



SLUŽBENI GLASNIK GRADA VISOKO

GODINA LVII

Visoko, Ponedjeljak 06. februar 2023. godine

BROJ 01

01.

Na osnovu člana 66. Zakona o građevinskom zemljištu Federacije BiH („Službene novine FBiH“, broj: 25/03, 16/04 i 67/05), člana 40. Odluke o građevinskom zemljištu („Službeni glasnik Općine Visoko“, broj: 12/17 i 1/19 i „Službeni glasnik Grada Visoko“, broj: 1/20) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 24. sjednici, održanoj 31.01.2023. godine, donijelo je

ODLUKU

o visini prosječne konačne građevinske cijene 1 m² korisne površine stambenog prostora na području grada Visoko za 2023. godinu

Član 1.

Ovom odlukom određuje se visina prosječne konačne građevinske cijene 1 m² korisne površine stambenog prostora na području grada Visoko za 2023. godinu.

Član 2.

Prosječna konačna građevinska cijena 1 m² korisne površine stambenog prostora na području grada Visoko iznosi 996 KM.

Član 3.

Prosječna konačna građevinska cijena 1 m² korisne površine stambenog prostora, utvrđena u članu 2. ove odluke, služi kao osnov za obračun naknada za pogodnost korištenja i uređenje gradskog građevinskog zemljišta i ostalog građevinskog zemljišta na području grada Visoko.

Član 4.

Osnovica za obračun naknada za pogodnost korištenja i uređenje gradskog građevinskog

zemljišta i ostalog građevinskog zemljišta na području grada Visoko će biti korigovana cijena iz člana 2. ove odluke za korektivni faktor 0,50 i iznosi 483 KM/m².

Član 5.

Stupanjem na snagu ove odluke prestaje da važi Odluka o visini prosječne konačne građevinske cijene 1 m² korisne površine stambenog prostora na području grada Visoko za 2022. godinu („Službeni glasnik Grada Visoko“, broj: 1/22).

Član 6.

Ova odluka stupa na snagu danom donošenja i objavit će se u „Službenom glasniku Grada Visoko“.

Broj: 02/1-02-22/23
31.01.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

02.

Na osnovu člana 14. Zakona o zdravstvenoj zaštiti FBiH („Sl. Novine FBiH“, broj: 46/10 i 75/13) i člana 66. Zakona o pravima, obavezama i odgovornostima pacijenata („Sl. novine FBiH“, broj: 40/10) i članova 21. i 91. Statuta Grada Visoko („Sl. glasnik Grada Visoko“, broj: 10/21), Gradsko vijeće Visoko na 24. sjednici, održanoj 31.01.2023. godine, donijelo je

ODLUKU

o imenovanju

Zdravstvenog savjeta Grada Visoko

Član 1.

Imenuje se Zdravstveni savjet Grada Visoko u sastavu:

1. Zečević dr. Aida, JU Dom zdravlja Visoko,
2. Rudež – Vehabović Nermina, JU Dom zdravlja Visoko,
3. Lepić Medžid, Udruženje ILHBBHCV,
4. Balić Mujo, JOB „Unija veterana“ Grada Visoko,
5. Džerizović Amila, JU Centar za socijalni rad Visoko,
6. Lemeš dr. Muvedeta, privatna praksa,
7. Koljenović Suada, Gradska uprava Visoko,
8. Burko Mirzeta, Gradska uprava Visoko,
9. Žiga Alil, Crveni križ Grada Visoko,
10. Meco Suad, Udruženje penzionera – umirovljenika Visoko.

Član 2.

Zadatak Zdravstvenog savjeta je da:

- Predlaže, planira i evaluira sprovođenje zdravstvene zaštite na području Grada Visoko;
 - predlaže mjere za transparentnost u radu zdravstvene zaštite,
 - poboljšanje kadrovske strukture, kvaliteta prostora i opreme koja se koristi za pružanje zdravstvene zaštite i dr.,
- Daje mišljenje na planove i programe zdravstvene zaštite na području Grada Visoko;
- Predlaže mjere za poboljšanje dostupnosti kvaliteta zdravstvene zaštite na području Grada Visoko;
- Prati primjenu i provođenje propisa na području Grada Visoko koji se odnose na zaštitu prava i interesa pacijenata;
 - provođenje ostvarivanja prava pacijenata s akcentom na: dostupnost zdravstvene zaštite, uključujući i pravo na hitnu medicinsku pomoć,
 - pravo na informiranost pacijenta o njegovim pravima i obavezama,
 - povjerljivost informacija i privatnost, odnosno tajnost podataka iz medicinske dokumentacije,
- Organizuje obrazovne kurseve za građanstvo iz poznavanja materije i pravima pacijenata i postojeće legislative;
- Predlaže mjere za promociju zdravlja i prevenciju bolesti, mjere za zaštitu specifičnih socijalnih skupina stanovništva te mjere za osiguranje zdravog okoliša;
- Daje preporuke za organizaciju kurseva u zdravstvenim ustanovama radi upoznavanja rukovodstva odgovarajućim nužnim promjenama u zdravstvenim ustanovama;
- Prati povrede pojedinačnih prava pacijenata na području Grada Visoko;
- Predlaže preduzimanje mjera za zaštitu i unapređenje prava pacijenata na području Grada Visoko;
- Podnosi Gradskom vijeću godišnji izvještaj o svom radu;
- Obavještava javnost o povredama prava pacijenata;
- Zdravstveni savjet o svom djelokrugu rada, nadležnostima i ovlastima, građane upoznaje putem televizije, radija, interneta (web site info@visoko.gov.ba) i štampani materijal za informisanje javnosti (edukativni članak, upustvo, brošura, letak, anketni materijal i sl.);
- Organizira seminare za građanstvo sa posebnim edukacijskim sadržajima koji će zdravstveni sistem i njegovu djelatnost približiti svim građanima;
- Obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

Član 3.

U obavljanju poslova iz svog djelokruga rada Zdravstveni savjet je ovlašten upozoravati, predlagati, davati preporuke i inicijative. Zdravstveni savjet je ovlašten: nadležnim organima državne uprave, organima lokalne samouprave, nadležnim ministarstvima zdravstva, zavodima zdravstvenog osiguranja, zdravstvenim ustanovama, privatnim praksama, komorama iz oblasti zdravstva, predlagati preduzimanje mjera za sprečavanje štetnih djelovanja koja ugrožavaju prava i interese pacijenata i zahtijevati izvještaj o preduzetim mjerama. Članovi Zdravstvenog savjeta u svom radu, obavezni su postupati tako da ne ugroze obavezu čuvanja službene tajne.

Član 4.

Zdravstveni savjet Grada Visoko se imenuje na period od četiri godine.

Član 5.

Koordinaciju rada Zdravstvenog savjeta, pružanje stručne i tehničke pomoći u radu Zdravstvenog savjeta vršiti će Služba za boračko – invalidsku zaštitu i društvene djelatnosti Grada Visoko.

Član 6.

Usvajanjem ove Odluke prestaje da važi Odluka o imenovanju Zdravstvenog savjeta općine Visoko, broj: 01/1-02-282/18 od 27.09.2018. godine i Odluka o izmjenama i dopunama Odluke o imenovanju Zdravstvenog savjeta općine Visoko, broj : 01/1-02-365/18 od 21.12.2018. godine.

Član 7.

Odluka stupa na snagu danom objavljivanja u „Službenom glasniku Grada Visoko“.

Broj: 02/1-02-23/23
31.01.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

03.

Na osnovu člana 33. Zakona o pravobranilaštvu („Službene novine ZDK“, broj 12/13) i člana 21. Statuta Grada Visoko („Službeni glasnik Grada Visoko“, broj 10/21) i člana 8. Odluke o Gradskom pravobranilaštvu Visoko („Službeni glasnik Grada Visoko“, broj: 1/19), Gradsko vijeće Visoko, na 24. sjednici, održanoj dana 31.01.2023.godine, d o n i j e l o j e:

O D L U K U
o imenovanju
Gradskog pravobranioca Visoko

Član 1.

Melina Hodžić-Travančić, dipl.pravnik iz Visokog imenuje se za Gradskog pravobranioca u Gradskom pravobranilaštvu Visoko, na period od četiri godine.

Član 2.

Mandat imenovane od četiri godine počinje od 15.02.2023. godine.

Član 3.

Ova Odluka stupa na snagu danom objave u „Službenom glasniku Grada Visoko“.

Broj: 02/1-02-24/23
31.01.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

04.

Na osnovu člana 21. Statuta Grada Visoko („Službeni glasnik Grada Visoko“ broj 10/21), člana 5. Odluke o imenovanju predstavnika-punomoćnika Grada Visoko u skupštine javnih preduzeća Grada Visoko („Službeni glasnik Grada Visoko“ broj 04/21), Gradsko vijeće Visoko, na 24.sjednici, održanoj 31.01.2023. godine, donijelo je

Z A K L J U Č A K
o davanju ovlaštenja predstavniku -
punomoćniku Grada Visoko u Skupštini
JKP “Gradska groblja” d.o.o Visoko za
razrješenje člana Nadzornog odbora JKP
“Gradska groblja” d.o.o Visoko i
imenovanje člana Nadzornog odbora na
kraći period

I

Gradsko vijeće Visoko ovlašćuje predstavnika - punomoćnika Grada Visoko u Skupštini JKP “Gradska groblja” d.o.o Visoko da razriješi člana Nadzornog odbora JKP “Gradska groblja” d.o.o Visoko Begić Nevzetu, na lični zahtjev.

II

Gradsko vijeće Visoko ovlašćuje predstavnika - punomoćnika Grada Visoko u Skupštini JKP “Gradska groblja” d.o.o Visoko da izvrši imenovanje člana Nadzornog odbora JKP “Gradska groblja” d.o.o Visoko na kraći period, do konačnog imenovanja člana Nadzornog odbora JKP “Gradska groblja” d.o.o Visoko Omanović Jasmina.

III

Gradsko vijeće Visoko nalaže predstavniku - punomoćniku Grada Visoko u Skupštini JKP “Gradska groblja” d.o.o Visoko da na osnovu ovlašćenja datih u tačkama I i II ovog zaključka donese potrebne odluke.

IV

Gradsko vijeće oglašava upražnjenu poziciju za člana Nadzornog odbora JKP “Gradska groblja” d.o.o Visoko u skladu sa Odlukom o standardima i kriterijima za imenovanje članova nadzornih odbora javnih preduzeća čiji je osnivač Grad Visoko broj 01/1-02-335/21 od 24.06.2021. godine.

Gradsko vijeće ovlašćuje Gradonačelnika Grada Visoko da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede postupak i Gradskom vijeću Visoko dostavi prijedlog konačnog imenovanja člana Nadzornog odbora JKP “Gradska groblja” d.o.o Visoko.

V

Ovaj zaključak stupa na snagu danom donošenja i objavit će se u “Službenom glasniku Grada Visoko”.

Broj: 02/1-02-25/23
31.01.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

S A D R Ź A J		Strana
I GRADSKO VIJEĆE VISOKO		
01.	Odluka o visini prosječne konačne građevinske cijene 1m2 korisne površine stambenog prostora na području Grada Visoko za 2023. godinu	1
02.	Odluka o imenovanju Zdravstvenog savjeta Grada Visoko	2
03.	Odluka o imenovanju Gradskog pravobranioca	3
04.	Zaključak o davanju ovlaštenja predstavniku u Skupštini JKP “Gradska groblja” d.o.o. Visoko, za razrješenje člana Nadzornog odbora	3

Izdavač: Grad Visoko, ul. Alije Izetbegovića br. 12A, Visoko

Uređuje: Muhamed Halilbegović, viši stručni saradnik

Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502

Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698